

YINI ISABELO
SEZIMALI ?

Njalo ngonhlanja, uNgqongqoshe wezezimali wethula izinhlelo zeminyaka emithathu elandelayo zesabelo sezimali, ukuqoqwa kwentela kanye nokwebolekwa kwemali ezimakethe zezimali kuleli naphesheya kwezilwandle. Ungqongqoshe uphinde achaze indlela okuhloswe ngayo ukusetshenziswa kwemali eyabelwe iminyango kahulumeni wesizwe, ohulumeni bezifundazwe kanye namantshontsho atholwa omasipala.

IZINSELELO ZESIKHATHI,
UKUKHETHA NGOKWEPHUSILE

Isabelo sezimali yisibuko lapho uHulumeni ebonisa khona ukuthi uzobhekana kanjani nezifiso zesizwe. Ngesabelo sezimali sika-2015, uHulumeni uzobonakalisa ukuzibophezela kwakhe ekuthuthukiseni izimpilo zabaphofu yize noma izinsiza zingaphansi kwengcindezi.

Kusukela ngonyaka ka-2009, iNingizimu Afrika njengawo-wonke amazwe, beyilokhu ingaphansi kwengcindezi yezikweletu kanye nomnotho obungakhuli ngendlela ebilindelekile. Njengamanje izwe lakithi lidinga ukuthi umnotho ukhule ngamaphesenti angu-5 ngonyaka ukuze sizokwazi ukwandisa amathuba emisebenzi kanjalo siqede nobumpofu. Njengamanje, kusenzima ukufikelela kulomgomo ngoba umnotho womhlaba-jikelele ubuthakathaka. Uma-sizibuka njengezwe, izinselelo njenga ukunqamuka kwamandla kagesi, ukuntula kwamakhono kanye

neziteleka, zibambezele ukuthuthuka komnotho. Kulonyaka ka-2015, umnotho wakuleli kulindelekile ukuba ukhule ngamaphesenti angu-2; ukhule ngokuthakathaka uze ufike kumaphesenti angu-3 ngo-2017. Njengoba ukukhula komnotho kuncane, kuthathwe izinyathelo ezinzima lapho kwabiwa khona ngezisiza ezincane. Isabelo sezimali sika-2015 sikhombisa lemikhetho.

Isabelo sezimali sizokwenyuka sisukela ku-R1.12 trillion ngonyaka ka-2014/15 size sifikelele ku-R1.41 trillion ngonyaka-2017/18. Lemali ayihlanganisi intela uHulumeni ayikhokhela imalimboleko. uHulumeni uzoqhubeka nokuba-mandla ekusebenziseni imali kwizidingo zomphakathi. Kulomkhakha, uHulumeni uzofaka imali eningi ukulekelela emfundweni esemazingeni aphakeme noma engaphezu kwebanga lika-matekul' etsheni. Lesi-sabelo sizokwenyuka

ngamaphesenti angu-7.1 ngonyaka ngoba imfundo ibaluleke kakhulu njengesisekelo sempilo engcono. Isabelo se-National Student Financial Aid Scheme (NSFAS) sizokhula sifikelele kumabhiliyoni angu-6.9 ngonyaka ka 2017/18.

Uhlelo lukaHulumeni lwentuthuko luncike kakhulu ekwakhiweni kwengqalasizinda ukuze kufukulwe umnotho. Kuleminyaka emithathu ezayo, uHulumeni uzosebenzisa amabhiliyoni angu-R813.1 ukuthuthukisa ingqalasizinda. Kulemali, amabhiliyoni angu-R669 azofakwa emisebenzini yengqalasisinda emikhulu okubalwa kuyo, ezikagesi kanye nayo yonke imikhakha yokuthuthwa kwempahla neminye imikhinqizo. Okunye okubalulekile ukuthi uHulumeni avuselele ingqalasizinda yomphakathi ngoba yiyo elekelela ukuthi umphakathi uthuthukise amazinga awo empilo. uHulumeni ubeke

eceleni amabhiliyoni angu-R9.3 kuleminyaka emithathu ezayo ukubhekana nemisebenzi emikhulu eyi-50 yomnyango wezempilo.

Ngenxa yesimo somnotho esinzima esesidale ukuthi lehle izinga lokukhula lemali eqoqwa nguHulumeni, sekuthathwe izinyathelo zokubhekana ngqo nokuxhaphazwa kwemali yesabelo kanye nokusetshenziswa kwayo ngendlela engaphusile. Phakathi kokunye lokhu kusho ukunciphisa ukusetshenziswa kwemali ezintweni ezingabalulekile ukuze leyo mali ifakwe emikhakheni ebaluleke.

Isabelo sezimali sika-2015 sigqugquzela ukusebenzisa imali ngendlela ephusile, ecacile, nebhakela izidingo zabantu. Ngalokho uHulumeni uqonde ukuqhubeka nokubeka izwe emgudwini wempumelelo owaqalwa eminyakeni eyi-21 eyedlule.



1. Ovela kungqongqoshe
2. Ukulawulwa kwamadolobha
3. Ukuvikela komphakathi
4. Eyezenhlakahle



1. Ezemfundo ne-zempilo
2. Isabelo sezimali
3. Ivelaphi imali yesabelo
4. Izokwabiwa kanjani



1. Izinguquko zentela yabasebenzi
2. Imikhakha emisha yentela
3. Intela yomhlaba nezakhiwo
4. Intela yogwayi notshwala

FIND US ON
FACEBOOK

RSA BUDGET

EZEMFUNDO NE-ZEMPILO ZIZOHLOMULA KAKHULU

Inhlalakahle yesizwe ingaboniswa kalula ngendlela imiphakathi ekwazi ngayo ukuthola usizo olusezingeni eliphakeme, kakhulukazi imfundo kanye nezempilo. Nakuba ibonakala impumelelo esizuziwe kuleminyaka engamashumi amabili edlule, kusekuningi okumele kwenziwe ukuze izakhamizi zakuleli ziphile kahle futhi zibe ngabafundile. Kuleminyaka emithathu ezayo:



R7 BILLION

ibekelwe ukwakha ingqalasizinda ezikoleni ezingu-510, aphinde asetshenziselwe ukuletha amanzi ezikoleni ezingu-1 120, kwakhiwe ingqalasizinda yokuthuthwa kwendle ezikoleni ezingu-741, kubuye kuxhunye ugesi ezikoleni ezingu-916



R19.5 BILLION

uMnyango wezeMpilo uzotshala amabhiliyoni angu-R19.5 ukubhekana nokugcinwa kanye nokuvuselelwa kwengqalasizinda yezempilo. Lesisamba, sizophinda sisetshenziselwe ukwakha kwezikhungo eziyisikhombisa zawo lomnyango ezifundazweni



R3.1 BILLION

izosetshenziselwa uhlelo lomfundaze (Funza Lushaka) okuhloswe ngalo ukuqiniseka ukuthi kune-nani elanele lothisha abasha. Loluhlelo lulindeleke ukuthi lukhiqize othisha angu-10 200 ngonyaka ka-2017/18





IZIKHUNGO-11

Umsebenzi wokuvivinywa kohlelo lokusabalisa usizo lwezempilo (National Health Insurance) luzoqhubeka ezikhungweni eziyishumi nanye njengoba kulonyaka lungena kunyaka wesine.

UYITHATHAPHI IMALI UHULUMENI

INTELA	2015/16	%
EKHOKHWA ABASEBENZAYO	393.9	36.4
EKHOKHWA IZINKAMPANI	202.0	18.7
INTELA YENTENGO (VAT)	283.8	26.2
EPHATHELENE NOHWEBO PHAKATHI KWAMAZWE	76.1	7.0
EKAPHETHILOMU	55.7	5.1
NOKUNYE	69.8	6.5
ISAMBA ESIHLANGENE	1081.3	100.0



SIHLANGANISWA KANJANI ISABELO SEZIMALI?

Minyaka yonke uHulumeni ushicilela isibuyekeso sesabelo sezimali (Budget Review) esinesilingaso semali uHulumeni angayiqoqa kanti futhi nokuthi leyomali izosetshenziswa kanjani.

Isinyathelo sokuqala ekubunjweni kwesabelo sezimali ukufinyelela esinqumeni sokuthi yimalini uHulumeni angayiqoqa kanti futhi ingakanani angakwazi ukuyiboleka ezimaketheni zezezimali. Ukwenza lokhu, uHulumeni ubheka isimo somnotho. Uma umnotho ukhula, nenani lemali uHulumeni ayiqoqayo liyanda. Esikhathini esiningi uHulumeni usebenzisa imali eningi kunaleyo ayingenisayo. Lesi-simo siphoka uHulumeni ukuthi aboleke ingxenye yemali ukuze ezokwazi ukumelana nezidingo asuke ezibekele zona.

Ngaphambi kokuthi uHulumeni aqale ukusebenzisa imali kumele aqale akhoke inzalo kwizimali mboleko zeminyaka eyedlule. Phezu kwalokhu, uHulumeni ubuye ahlephule umhlomulo womasipala emalini yentela kaphethilomu kanye nentela yokuthuthukiswa kwamakhono. Uma lezizindleko sezihlinzikelwe uHulumeni ube esebeka eceleni imali yokubhekana nezimo ukwenzeka kwazo okungelula ukuzazi ngaphambi kokuthi zenzeke. Imizekelo yalezizimo ezempi kanye nomonakalo odalwa indalo, njengezikhukhula kanye nemililo yobuhangu. Uma sekwenziwe lezi-zabelo, kube sekuqala uhlelo lokwahlukanisa yonke imali ngokwezinhlelo zikaHulumeni. Lokhu kubizwa ngokuthi phecelezi, division of revenue.

Nakuba ukushicilelwa kesabelo sezimali kungumsebenzi woMnyango wezeziMali, uhlelo lokulinganisa ukuthi yimalini engaqoqa isikhwama sentela, yimalini ezobolekwa ezimakethe zezezimali kanye nokuthi yonke lemali izosetshenziswa kanjani, luwuhlelo oluhlukanisa uHulumeni kaZwelonke, ohulumeni bezifundazwe nomasipala kanye nosopolitiki. Izinqumo okufikwa kuzo zibe sezichazwa ngemikhakha yazo encwadini eyaziwa ngokuthi ubuyekeso lwesabelo-Mali, phecelezi Budget review. Izahluko zalomqulu zihlanganiswa uMnyango wezeziMali.

uNgqongqoshe wezeziMali ube esethula lomqulu ePhalamande ukuze iPhalamande libonisa ngawo. Uma iPhalamande selivumelene futhi lagunyaza ukuphasiswa koLwabiwo-Mali lokho kusho ukuthi iSabelo sezimali sesingesamukelekile.



